

جَزَائِرَ عَمَّا كَرَمَ

جمعه ایرتسی

نومرو	ذی الحجه	سنه	حزیران	سنه	صفحه
۷۰۸	۱۰	۱۳۱۰	۱۲	۱۳۰۹	۱۰۴۴۵

(اشبوغزته بهر هفته جمعه ایرتسی کونلری چیقار . سنه لکی درسعادت ایچون مجیدیه یکریمی غروش)
 (حسابیه التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخه سی ینه مجیدیه یکریمی غروش اولوق اوزره یوز پارهیه هر یرده ساتیلور . درج اولنه جق)
 (اعلاتک هر برندن برمجیدیه اخذ اولنور . سنه لکنه مشتری اولوق استیانیلر عدلیه نظارتی)
 (دائره سنده کائن جریده محاکم اداره سنه مراجعت ایلملیدر)

قسمت سومی

و بو یوزدن صندوق معاملاتی سکنه دار اولمقده
 بولندیغندن بعدما تعیین اولنه جق دفتردار
 ومحاسبه جیلرک سالف الذکر صندوق عائدات
 ومعاملاتجه ایلیشکری اولوب اولمدینی مذکور
 صندوق نظارت جلیله سندن استفسار ایله ذمت
 وایلیشکری کسلمدکجه مأموریته تعیین ایلماملری
 خصوصنه کچنده شورای دولت قراریله بالاستیدان
 اراده سنیه حضرت خلافتناهی شرفصادر اولوب
 اجرای ایجابی نظارت مشارالیه ایله مالیه نظارت
 علیه سنه بیلدیرلیدیکی وقرارمبحوث عنھک صندوق
 عائداتی توقیف وارسال ایله مکلف اولان بالجله

(فی ۲۵ ذی القعدة سنه ۳۱۰ وفی ۲۹ مایس)
 (سنه ۳۰۹ تاریخنده بالجله ولایات استیناف)
 (محکمه سی مدعی عمومیلرینه و مدعی عمومی)
 (بولنمیان محللر مدعی عمومی معاونلرینه یازیلان)
 (تحریرات عمومیہ صورتیدر)

ولایات دفتردارلر یله الویه محاسبه جیلرندن
 اکثری ملکیه تقاعد سندینی عائداتی کوندر مامکده

مأمورینه تعمیمی مؤخرأ شورای دولت و مجلس
مخصوص و کلاجه تنسیب ایدلدیکی بیان عالیسیه
اکاکوره معامله لازمہ نك ایفاسی شرفوارد
اولان ۲ تشرین ثانی سنہ ۳۰۸ تاریخلی تذکرہ
سامیه ایله اشعار بیورلمش اولغله اشبوتحریراتک
نسخ مطبوعه کافی سی لفأ تسییر قلنمقله کیفیشک
نزدنده بولندیغکنز استیناف محکمه سنہ تابع بالجله
مدعی عمومی معاونلرینه ودها سائر ایجاب
ایدنلره تبلیغه همت ایلملری سیاقده .

قسم غیر ملکی

(معمورة العزيز بدايت محكمه سندن ٦ مايس)

(سنه ۳۰۸ تاریخی واون طقوز عددی ایله)

(استینافاً صادر اولان اعلامک مابعدی)

ومدعی علیهم جانبندن مدافعة در میان اولنان

مرور زمان ادعای مدعیلرک مورثلری متوفی
ابراهیم افندیلرک وقوع وفاتیلله حقیقه لرینک
تولدلری و سالف الذکر اعلامات شرعیه ایلله
مجلس دعای مضبطه سی تاریخلرینه نظراً شایان
الغایت اولیوب دعواده مرور زمان واقع اولدیغی
کجی مدعی علیهم مرقومونک سردو اتیان ایلدکلری
حق قرار ادعای دخی اراضی قانوننامه همایونلرک
یتیش سکنجی ماده سنده محررجهت ثلاثه دن بریسنه
مستند بولمیدیغی بیانیله مدعی علیهمک مدافعه لرینک
ردی و معارضه لرینک منعیله ذکر اولسان و نبر
قطعه ترلانک مدعیلر ایلله ورثه سائر ناملرینه
انتقال معامله سنک اجرایی حکمنی متضمن محکمه
مرقومه دن صادر اولان اعلام ابتدائیلرک
عندالاستیناف تصدیقه قرار ویرلدیکمندن
و مستدعی تمیز مرقومانک اشبو اعلام علیهمده
لایحه لرنده مندرج باشلوجه اعتراضلری منازع فیه
اراضیلرک حین دعواده حدودلری تعیین و تحدید
ایدلما سی و کندولرینک سنین و قیره دنبرو متمادیاً
عهدۀ تصرف و زراعتلرنده اولدیغی حقنده
عندالحاکمه درمیان ایتیش اولدقلری مدافعه حقنده
تدقیقات لازمه اجرا اولنمیه رق برمنوال محررحکم
اولنسی مغایر قانون اولدیغندن بئمله اعلام مذکورک
نقضی استدعاسندن و بمنزعلیهمدن فاطمه و نازلی

خاتمك لايحه لرى مندرجاتيله محمد نورى بك
وكيلك نتيجة جوابى دخى مذكور اراضى مواقع
طبيعيه ايله محدود اولغله بشقه جه حدودىنى تعيينه
محل اولدىنى ودرميان اولنان نامادياً تصرف
ادعاسى بى اساس بولندينى بيانيله اعتراضات
واقعه نك ردى و موافق اصول و قانون اولان
اعلامك تصديق طلبندن عبارت بولمىشد .

ایجابی مذاکره اولندقده اعلام مذکور
مندرجاتندن منقهم اولدینی اوزره دعوی واقعه
طرفین بیننده منازع فیله اولان اراضیه وقوع
بولان مداخله نك منعی طلبندن عبارت اولسنه
کوره محکمه نك بیک یدیوز الی دردنجی و بیک
التیوز یکر می اوچنجی ماده لری ایجابجه مذکور
اراضیده ذی الیدلکک بینه ایله اثبات و حین
دعواده مذکور اراضینک محللری تعیین و حدودی
تحدید ایتدیرلک و اراضی مذکوریه بی بلا نزاع
مدعیلر و مورثلری حضورلرنده مدت مدیده
تصرف ایتدکلرینه دائر مدعی علیهمک مدافعه
درمیان ایتش اولدقلری ادعانک اصولی دائرهنده
تحقیق و تدقیقه تبیین ایده جک حاله کوره احکام
قانونیه دائرهنده کففتک تحت حکمه النقی

و اصول محاکمه حقوقیه قانون موقتک التمش
 بشنبی ماده سنده کونستردیکی وجهله مدار حکم
 اتحاد اولنان اعلامات شرعیه ایله شرعیه دعاوی
 مضبطه سنک عیناً و یا خلاصه متن اعلام ابتدائی به
 درج تمیق قلمیق لازم کلور ایکن درجه اولی
 محکمه سنبجه بورالرینه دقت ایدلمیه رک برمنوال
 محرر قرار و برلمندن طولایی عندالاستیناف
 اعلام ابتدائی مذکورک فسخیله دعوانک یکیدن
 رؤیت و تدقیقی مقتضی اولدینی حالده محکمه
 مذکوره جهه بویولده اجرای معامله اولتمیه رق
 مذکور اعلام ابتدائیک تصدیق ایدلمی اصول
 و قانونه مغایر و مستدعیرک اعتراضلری دخی
 بوجهتله متدائر اوله رق موافق نفس الامر
 کورلدیکنه بناء قانون مزبورک ایکوز اتوز
 ایکنبی و ایکوز قرق رنجی ماده لری موجبجه
 اعلام مذکورک قضیه ایکوز قرق در دنجی ماده سی
 حکمنه توفیقاً کیفیتک صورت مشروحده دایره سنده
 بالرؤیه اعلامه ربطی ضمنده محکمه مذکوره به
 اعاده سنه وزیرده مفرقاتی مرقم التیوز اتوز یدی
 یحق غروش مصارف محاکمه نک ایلروده حقسنز
 چیه حق طرفه رجوع ایتک اوزره اول امرده
 مستدعیردن النسنه ۲۷ شباط سنه ۳۰۸ تاریخنده

موفقاً قرار ویریلرک تفهیم قلندی .

من بوره اپولهریه قادین جانبدن محکمه مذکور
ره نك تجارت قسمنه بالمر اجمعه اعتراض علی الحکم
عرضه جالی اعطا ایدلسی اوزرینه اصول محاکمه
تجارت نظامنامه سنك سکسان برنجی ماده سی
موجبجه تبلیغات مقتضیه ایضا قلنمش اولدینی
حالده یوم معینه معترض علیه استمطابادی بالورود
معترضه من بوره اپولهریه قادین کلامش اولدیندن
نظامنامه من بورك سکسان دردنجی ماده سی حکمنه
توفیقاً سالف الذکر اعتراض استدعاسنك ردیله
حکم اولک تصدیقنه حکمدن ومستدعیه تمیز
اپولهریه قادینک اشبوعالام علیهنده کی اعتراضاتک
باشلوجه سی مستند ادعا اولان سنك فائض
مقاله سی ناطق اولسیله سندات تجاریه دن معدود
اوله میه جنی جهته دعوائی مذکور نك حقوق
عادیه محکمه سی صقیله فصل ورؤیتی لازم کلورایکن
محکمه مذکور جه تجارت صقیله رؤیت اولنسی
وظیفه خارجنده اولدینی کی مذکور دعوائک
محکمه تجارتیه عائدیتی فرض اولنسه بیله اعضای
موقته حضوریلر رؤیت و حکم ایدلدیکنه دائر اعلام
مذکورده برصراحت اولدقندن بشقه اعلام
مذکورک بالاسنده جزا دائره سندن ویرلمش
اولدینک محرر بولنسی یولسر و مغایر قانون
اولدیندن بجنه سالف الذکر اعلامک نقضی

اعلام من بورك خلاصه مالی مرقوم
استمطابادینک امره محرر بر قطعه سند موجبجه
من بوره اپولهریه قادین ذمتنده مطلوبی بوانسان
طقوز یوز اوندرت کسور غر و شک من بوره دن
تحصیلی حکمنی ناطق مدانیه بدایت محکمه سندن
تجارت صقیله صادر اولان اعلام غیابی علیهنده

استدعاسندن ومدعی علیه استمطابادینک لایحه سنده
محرر نتیجه اجوبه سی دخی دعوائی مذکورده
امرله محرر سندن منبعث اولسی جهتیله محکمه
مذکورده جه تجارت صقیله رؤیت و حکم اولنسی
وظیفه داخلنده اولسنه مبنی اعتراضات مذکورده نك
ردی و اعلامک تصدیق طلبندن و معاون مومی
الیهک مطالعه سی دخی منازع فیه اولان سند امره
محرر اوله رق بومقوله سندانندن متولد دعاوینک
محاکم تجارتیه رؤیتی ذیل قانون تجارتک یکرمی
سکرنجی ماده سی احکامی اقتضاسندن بولنسنه مبنی
وظیفه حقنده کی اعتراضک موافق قانون کوریه -
مدیکی بیانندن عبارت بولنشد .

اول امرده مستدعیه تمیز اپولهریه قادینک
وظیفه حقنده کی اعتراضی لدی التدقیق معاون
مومی الیهک مطالعه سی وجهله غیروارد کورینه رک
رد ایدلدکدن صکره اساس ماده نك ایجابی
مذاکره اولندقدنه تمیزی طلب اولنسان اعلام
مذکورک دعوائی واقعیه حقنده مدانیه بدایت
محکمه سندن تجارت صقیله صادر اولان اعلام
غیابی علیهنده اعتراض علی الحکم وقوعیله کذلک
تجارت صقیله ویرلمش اولدینی حالده بالاسنده
محکمه مرقومه نك جزا دائره سندن تنظیم و اعطا

قلنمش اولدینک محرر بولنسی یولسر اولدینی کی
اعلام مذکورده بیان و حکایه قلندینی وجهله
طرفینک صورت و جلب و احضاری حقنده اجرا
قلنسان معاملات ایله معترضه من بوره اپولهریه
قادینک دعوت واقعیه عدم اجابتی اوزرینه
اعتراض علی الحکم عرضه حالنک ردی ایچون اتخاذ
واعطا قلنسان قرار حقنده تطبیق واستناد ایدیلان
اصول محاکمه تجارت نظامنامه سنك سالف الذکر
سکسان برنجی و سکسان دردنجی ماده لری اصول
محاکمه حقوقیه قانون موقته منافض اولوق حسبیله
قانون من بورك ماده مخصوصنده کوسترلدیکی
وجهله مفسوخ اولدینی حالده برمنوال محرر
عندالاعتراض وقوعبولان تبلیغات ایله ذکر
اولنسان اعتراض علی الحکم استدعاسنك ردی
حقنده ویریلان قرارک نظامنامه من بوره تطبیق
واستناد ایدلسی و من بوره نك دعوت واقعیه
اجابت ایتماسی اوزرینه اعتراض علی الحکم
عرضه حالنک ردیله اکتفا اولنسی لازم کلورایکن
قانون من بورك یوز الی طقوزنجی ماده سنه مخالف
اوله رق حکم اولک دخی تصدیقنه قرار ویرلمسی
اصول و قانونه مغایر و مستدعیه من بوره نك
بوجهتله متدائر اولان اعتراضی موافق نفس الامر
بولندیقنه مبنی قانون من بورك ایکسوز اوتوز

سراپداريان افندی يوم معينه دائره بگلدنكرندن
باش مدعى عموميك مأموريت عليه سنك مطالعه
نامه سى النهرق اصول محاكمه حقوقه قانونك
ايكيوز يكرى طقوزنجى ماده سى موجبجه تدقيقات
تميزيه اجراسنه ابتدار قلندى .

اعلام مذكورك خلاصه مالى مومى اليه على
وصفى افنديك مصر اخذوا عطا سندن طولاني
اون يدى بيك كسور غروش محكوميتى ناطق
من بور آرتين اغانك دوزجه بدايت محكمه سندن
استحصا ايلديكى اعلام غياني عليه افندى
مومى اليه جانبندن خصوص مدعا بهك تجارت
محكمه سنه عايديتندن بختله وظيفه اعتراضى درميان
اولنش ايسده تجارت محكمه سى بولنميان يرلرده
مواد تجاريه نك حقوق محكمه لرنده رؤيتى تشكيل
محكم قانونك دردنجى ويكرى بشنجى ماده لرى
اقتضاسندن اولسيه اعتراض استداسنك رديله
حكم غيابينك تصديقه دائر بديا ويريلان قراره
من بور على وصفى افندى جانبندن عدم قناعته بولى
بدايت محكمه سنه بالمر اجمعه استينافى دعوى اولنش
ايسنده اولبابده اعطا قلنان استيناف استدعا
نامه سنده اسباب استينافيه نك درج وتجر بر اولنامش
اولسنه ومدت استينافيه نك مرورى حسيله اشبو

ايكنجى وايكيوز قرق برنجى ماده لرى . موجبجه
اعلام مذكورك تفصيله ايكيوز قرق دردنجى ماده سى
حكمنه توفيقاً كيفيتك صور مشروحه دائره سنده
يكيدن بالرؤيه اعلامه ر بطى ضمننده محكمه
مذ كوره به اعاده سنه وزيرده مقرر داتى مرقم اوج
بوز طقسان طقوز بچق غروش مصارف محاكمه نك
ايلروده حق سز چيقه جق طرفه رجوع ايتكم اوزره
اول امرده مستدعيه من بوره دن النسنه ٨ مارت
سنه ٣٠٩ تاريخنده متفقاً قرار ويريله رك
تفهم قلندى .

بولى بدايت محكمه سندن ١٨ تموز سنه ٣٠٧
تاريخى ويكرى اوج عددى اليه استينافاً ويريلان
اعلامك تميز ينى استدعايدن اقچه شهر ناحيه سنده
مقيم تجاردن عثمان اغا زاده على وصفى افندى وكيلي
بور دان افندى اليه بيمز عليه ناحيه مذ كوره
اهالي سندن سر جنبان آرتين اغانك وكيلي خاچيك

اولسنه كوره دعوای واقعه نك درجه اولى
محكمه سنجيه تشكيل محكم قانونك اوننجى ماده سنده
كوسرلديكى وجهله اعضاى موقه حضورى
وتجارت صفتيله رؤيت اولنش اولوب اولديغك
بولى بدايت محكمه سنجيه بالتدقيق بدايت محكمه سنك
اولوجهله تشكىل ايتامش اولدينى حالده اعلام
مستأنف بهك فسنى اولصورته تشكىل ايتش
اولديغك تحققي تقديرده اعضاى موقه حضوريه
شرائط استينافيه نك نقصان اولديغه دائر مستأنف
عليه طرفندن درميان اولنان ادعا تدقيق اولنه رق
تبين ايده جك حاله كوره احكام قانونيه دائره سنده
كيفيت تحت حكمه النسى لازم كلوركن بوجهت
تحقيق اولنقسز ين برمنوال محرر قرار ويرلسى
اصول وقانونه مغاير و مستدعي تميزك اعتراضيله
الف البيان مطالعه نامه مندرجاتى دخى بوجهتله
متدائر اوله رق موافق نفس الامر كورنش
اولديغندن اصول محاكمه حقوقه قانونك ايكيوز
اوتوز ايكنجى ماده سى موجبجه اعلام مذكورك
نقضيله قانون من بورك ايكيوز قرق دردنجى
ماده سى حكمنه توفيقاً كيفيتك صورت مشروحه
دائره سنده بالرؤيه اعلامه ر بطى ضمننده محكمه
مرقومه به اعاده سنه وزيرده مقرر داتى مرقم درتيوز
درت بچق غروش مصارف تميز يه نك ايلروده

نقصانك اكاله دخى محل كوريله مامسنه مبنى
اصول محاكمه حقوقه قانونك بوز سكرسان التنجى
ماده سى موجبجه استدعا نامه من بورك ردينه
حكمدن و مستدعي تميز على وصفى افنديك اشبو
حكم عليه سنده لايحه سنده محرر باشلوجه اعتراضى
دعوای واقعه محكمه تجارته عايد بولنش ايكن محكمه
استينافيه به بوجهت نظاردقه النقسز ين حقوق
عادييه صفتيله باقلمسى قانونه مغاير اولديغندن بختله
اعلام مذكورك نقضى استدعاسندن ومدعى عليه
وكيلي خاچيك سراپداريان افنديك لايحه سنده
مندرج نتيجه جوابى اعلام استينافيك موافق
قانون اولدينى بيانيله تصديقى طلبندن وسالف الذكر
مطالعه نامه مالى دخى دعوای واقعه بديا تجارت
محكمه سنده رؤيت اولنش وبوصفته ويريلان
قرارك مرجع استينافى تجارت محكمه سى بولنش
ايكن بولى بدايت محكمه سنجيه حقوق محكمه سى
صفتيله رؤيت ودعوى اولنسى وظيفه خارجنده
اولدينى بيانندن عبارت بولنشدر .

الجابى مذاكره اولندقدده تميز اولنان اعلام
مألندن مستبان اولدينى اوزره بديا مدعى عليه
بولنان على وصفى افنديك صنف تجاردن اولدينى
كبي مبلغ مدعا بهك دخى معاملات تجاريه دن متولد

حقسز چيقه جق طرفه رجوع ايتك اوزره اول
امرده مستدعي تميزدن النسنه ۹ كانون ثاني
سنه ۳۰ تاريخنده متفقاً قرار ويرلدى .

دكزلى بدايت محكمه سندن ۲۲ مارت
سنه ۳۰۷ تاريخى وايكوزاوتوزدورت عددى ايله
استينافاً ويربلان اعلامك تميزنى استعدايدن
چال قضايتك تيمورجى قريه سنده ساكنه متوفى
قاضى اوغلى احمد افندى ورته سندن زوجه سى
عائشه وكره سى حوريه و همشيره لرى سلطان
وجنت خاتونلر وكيلى نظرت خچريان افندى
يوم معينده دائره به كلوب ميمر عليه مالىه خزينه
جليله سى طرفندن بر وكيلى ورود ايتديكندن
باش مدعى عمومى معاونلرندن سعادتلو يورغاكى
افنديك مطالعه سى استماع اولندقدن سكره تدقيقات
تميز به اجرا سنده ابتدار قلندى .

اعلام مذكورك خلاصه مالى مزبوران
عائشه و حوريه و سلطان و جنت خاتونلر چال

قضايتك بكللو وقرای سارمى اعشار ملتزمى
برادرلرى طورين قاضى اوغللى سليمان و ابراهيم
وعلى افنديلرک اوچبوز اوچ سنه سى اعشار
بدانندن طولايى خزينه جليله به دينلرى بولسان
مبالغ معلومه نك تسويه سى ضمنتده پدرلرى متوفى
احمد افنديدن انتقال ايدوب مشترکاً متصرف
اولدقلرى تيمورجى قريه سنده معلوم الحدود رباب
ملك منزللرينك بالماز ايدو فروخته تشبث
اولنديغندن بخته منزل مذكوره اولان حصه
شايعه لرینك افراز و تقسيمنى طلب وادعا ايتمش
ايسه لرده ذكر اولسان منزل مدعيه لرك پدرلرى
متوفای مزبور طرفندن حال حياتنده اوغللى
مزبور سليمان و على افنديلر تفریق وهبه
ايديله رك مزبورانك مال موهوبى بولندينى
اولبايده اقامه واستماع اولنان شاهدلرک شهادتلىله
ثابت اولدينى بيانيله منزل مذكورك فروختيله
اثمان حاصله سندن ذمتلرينك استيفاسيله متباقى
اقچه ايله حاللرينه مناسب برخانه اشتراسى لزومه
دائر چال بدايت محكمه سندن صادر اولان اعلامك
محكمه مذكوره استينافاً بالتدقيق تصديقه
حكمدن و مستدعيه تميزلر و كيلنك اشبو اعلام
عليهنده كى اعتراضاتك باشلوجه سى منازع فيه
خانه نك بين الورثه مشترك بولندينى اولبايده كى

دفتر قسام ايله مثبت ايكن محكمه مذكوره جه
بوراسنه دقت اولنامسى مغاير قانون اولديغندن
بختله اعلامك تقضى استعداسندن و خزينه مشار
اليهايه اضافتله محلى مال مديرينك و برمش اولدينى
جواب لايحه سنىك نتيجه مالى دخى حكم واقع موافق
اصول و قانون اولوب اعتراضات مسروده نك
غيروارد اولدينى بيانيه اعلام مذكورك تصديق
طلبندن و معاون مومى اليهك مطالعه سى دخى
حكم ابتدائى عندالاستيناف تصديق اولمش ايسه ده
اولبايده بركونه اسباب موجه كوسترلمديكى كى
استيناف لايحه سنده سرد اولنان اعتراضاتك دخى
هيچ برى حل ايدلماش اولديغه مبنى اعتراضات
واقع نك موافق قانون اولدينى بيانندن
عبارت بولمشدر .

ايجابى مذاكره اولندقدن اعلام مذكور
مطالعه سندن مستبان اولدينى اوزره محكمه
مذكوره جه حكم ابتدائى تصديق اولمش اولوب
حالبوكه استينافاً تدقيق طلب اولنان اعلامات
ابتدائيه نك حكمى بالتدقيق موافق قانون كورنديكى
تقديرده اسباب موجه قانونيه سنىك متن اعلام
استينافيده بيان و ارائه سيله تصديق لازمه نك
اولدينى عندالاستيناف درميان اولنان اعتراضاتك

دخى يكان يكان بالتدقيق كذلك اسباب موجه
قانونيه ارائه سيله رد ايدلك مقتضى اولدينى حالده
محكمه مذكوره جه كرك حكم ابتدائىك قانونه
موافقتى و كرك اعتراضات استينافيه ك ردى حقنده
بركونه اسباب موجه كورلمكسز ين اعلام ابتدائى
مربورك تصديق قلنمى يولسز وقانونه مغاير
و معاون مومى اليهك مطالعه سى دخى موافق
نفس الامر بولنديغه بناء اصول محاكمه حقوقيه
قانوننك ايكبوز قرق برنجى ماده سى موجه بنجه
اعلام مذكورك تقضيله قانون مذكورك ايكبوز
قرق درنجى ماده سى حكمه توفيقاً كيفيتك صور
مشروحه دائره سنده يكيدن بالرؤيه اعلامه ربطى
ضمنتده محكمه مذكوره به اعاده سبنه وزيرده
مفرداتى مرقم درتيوز اللى بر غروش مصارف
تميز به نك ايلروده حقسز چيقه جق طرفه رجوع
ايتك اوزره اول امرده مستدعيه لردن النسنه
۲۱ نيسان سنه ۳۰۹ تاريخنده متفقاً قرار ويريله رك
تفهيم قلندى .

محكمة استئناف تجارت قسمندن ١١ حزيران
سنه ٣٠٨ تاريخي و او تون دوت عددی ايله
و يريلان اعلامك تميزيني استندا ايدن قاضي
قریه سنده عثمان اغا محله سنده کراسته جي دکاننده
ساکن ايکن اليوم محکوماً حبس خانه عمومیده
محبوس بولان پارسىخ کلبنکیان وکیلی داوید
افندی ايله تميز عليه محله مذ کورده حیدر پاشا
جاده سنده کپکچی دکاننده مقیم کپکچی داوید
قوندر و جیان و کیلی اغوب بحری و مهران
کوره به یان افندیلر یوم معینده دائره به کلنکری کبی
جواب لایحه سی دخی دائره به تودیع ایدلماش
اولدیغندن اصول محاکمه حقوقیه قانوننک ایکوز
یکرمی طبقوزنجی ماده سی موجبجه تدقیقات تميزیه
اجرا سنده ابتدار قلندی .

اعلام مذ کورک خلاصه مالی مزبور داوید
قوندر و جیانک مرقوم پارسىخ ذمتنده برقطعه
سند موجبجه الاجفی اولان یوز او تون لیرا قرق
بش غروشک تحصیلی حاوی ایکنجی محکمه
تجارتدن صادر اولان اعلام حکمنه مرقوم
پارسىخ عدم قناعتله استئناف دعوی ایلمسی
اوزرینه محکمه استئناف تجارت قسمنجه اولبا بده
اجرا قلنان تدقیقاتده طرفین بیننده شرکت فسخ

اولدینی صروده مخالف قانون وقوعبولان معاملاتک
تصحیح و اعاده سیله تبین ایده جک مطلوبنک
مبلغ مدعا به تقاص و محسوبي حقنده مرقوم
پارسىخ وکیلنک بدایه درمیان ایلدیکی مدافعه سنک
بلا تدقیق رد اولغمنه مبنی اعلام مذ کورک فسخ
قرار و یرلکدن صکره جریان محاکمه و تدقیقات
استئنافیه نتیجه سنده مستأنف علیه طرفندن ابراز
واعطا اولنه رق امضای و مندرجاتی مستأنف
وکیلی طرفندن اعتراف اولنان ورقه مندرجاتی
کوک کپکچی و کرک کراسته جي دکاننه متعلق
معاملاتدن طولای ابرائی متضمن اولوب کیمسه
بوصورتله دیگر برکیمسه ده برکونه حق اولدینی
اقرار ایتدکدن صکره اول کمنه دن برشیء طلب
ودعوی ایده میه جکی و ایتدیکی تقدیرده دعواسنک
مسموع اوله میه جفی احکام محله اقتضاسندن
بولدینی بیانیله مستأنف مرقوم پارسىخ وکیلنک
یکیدن رؤیت محاسبه اولغمنی حقنده کی دفع
دعواسی مردود اولدیغنه مبنی مدعا به اولان
یوز او تون لیرا قرق بش غروشه اولبا بده کی
پروتستو تاریخندن حکم تاریخنه قدر کذران ایدن
اون بش آیلق بشیوزاون التی بحق غروش فائضک
ضمیله بالغ اولدینی اون دوت بیک بشیوز التمش
بر بحق غروشک دائره اجرا وزنه سنده محفوظ

اقتضادن تسویه سنده و کفایت ایتدیکی تقدیرده
اوست طرفنک مرقوم پارسىخدن تحصیلنه
و مصارف محاکمه نك طرفندن مناصفه اخذ
واستیفاسنه حکمن و مستدعی تميز پارسىخ
وکیلنک اشبو حکم علیه نه لایحه سنده محرر
اعتراضاتنک باشو جی سی استئنافاً حکمه اساس
اتخاذ ایدیلان ورقه کپکچیلک و آره جیاق
معاملاتندن ابرائی متضمن اوله رق کراسته جیلکه
دائر برکونه قید و صراحت اولدینی حالد برمنوال
محرر حکم و یرلمسی مغایر قانون اولدیغندن بمثله
اعلامک نقضی استدعاسندن عبارتدر .

الجبای مذاکره اولندقدده اعلام مذ کور
مندرجاتندن منقهم اولدینی اوزره محکمه
استئنافیه جه مدار حکم اتخاذ ایدیلان ابرنامه نك
طرفین بیننده مسبق کپکچیلک و آره جیاق
شرکتندن طولای ابرائی متضمن اولدینی مذ کور
ابرا نامه نك تعمیق مندرجاتندن منقهم اوله رق
مدعینک باسند دعوی ایلدیکی یوز او تون کسور
لیرادن ابرالشدقلرینه دائر برقید و اشارتی حاوی
بولدینی حالد مذ کور ابرنامه نك کراسته شرکتی
معاملاتنه دخی تشمیله برمنوال محرر حکم اولغمنی
قانونه مغایر و مستدعی تميز وکیلنک اعتراضی

قونیه تجارت محکمه سندن ٣٠ مایس
سنه ٣٠٧ تاريخي و اوچ عددی ايله و يريلان
اعلامك تميزيني استندا ايدن سله قصبه سنده مقیم
حلبلی اوغلی خروستاکی وکیلی پرودروموس افندی
ایله مدعی علیه قصبه مذ کوره اهالیسندن صاری
یورکی وکیلی بدوساکی افندی نك یوم معینده دائره به

غروشك نقداً وایكوز اوتوز طقوز كیل اوج ربع
حنطه ايله یوز سكر كیل بر ربع دارینك عیناً
مرقوم یوردانا کیدن تحصیلی لزومنی ناطق محکمه
من بوره دن اعطا قلنان اعلام استینافی علیهنده
مرقوم خرستاکی جانبندن اقامه ایدیلان اعتراض
الغیر دعواسی اوزرینه اعلام استینافی مذکورک
فسخه دائر غیباً صادر اولان اعلام علیهنده
مرقوم صاری یورکی جانبندن اعتراض علی الحکم
عرضحالی اعطاسیله وجاهاً جریان ایدن محاکمه ده
معترض علیه مرقوم خرستاکی حکم ابتدائینک
بالرضا اجرا اولدینقی مدافعه درمیان ایتیش
ایسه ده مرقوم خرستاکیک من بور یوردانا کی
ایله ذخیره وسائر اخذ واعطاسی ضمنتده بر
شرکت عقد ایدرک حتی کشاد ایدیلان مغازه یه
یوردانا کی مغازه سی نامی ویرلدیکی ویکدیگریک
کفیل و وکیلی حکمنده طوتلمق اوزره اجرای
معامله ایلدکری کرک اعلام ابتدائی جمله مقادندن
و کرک معترض علیه صاری یورکی جانبندن ابراز
ایدیلان ایکی قطعه مکتوب مایله امضای
مشترکه لرندن اکلشلمسینه و ذکر اولنان اعلام
ابتدائینک بالرضا اجرا اولدینقیه دائر درمیان
ایدیلان ادعانک ایشک استینافاً و تمیزاً رؤیت
و تدقیق ایدلدیکی صره ده موضوع بحث ایدلماش

کلدک لرندن ایضاحات شفاهیله ری استماع قلندقدن
صکره تدقیقات تمیزیله اجرا سینه استدار
اولندی .

اعلام مذکورک خلاصه مالی مرقوم صاری
یورکینک من بور خرستاکیک شریکی یوردانا کی
نام کمنه ايله بینلرنده جریان ایتیش اولان ذخائر
اخذ واعطاسندن طولانی مرقوم خرستاکی ايله
اجرا قلنان محاکمه لری اوزرینه صاری یورکینک
ایرا یوز غروش حسابیله یکریمی بر بیک ایکوز
اللی غروش محکومیتی متضمن اولجه تجارت
محکمه سی صفتیله بور دور بدایت محکمه سندن صادر
اولان اعلام علیهنده مرقوم صاری یورکی
جانبندن قونییه تجارت محکمه سینه بالمراجعه اقامه
ایدیلان استیناف دعواسی اوزرینه مستأنف علیه
صفتیله مرقوم یوردانا کی دعوت اوله رق بر درجه
محاکمه اجرا قلندقدن صکره امر محاکمه نک اکللی
ضمنتده تعیین اولنان کونده اجابت ایتامسی جهته
عن الغیاب اجرا قلنان تدقیقات استیافییه نتیجه سنده
مرقوم صاری یورکینک معامله واقعه دن طولانی
مرقوم یوردانا کی یه کوندر دیکی اون ایکی قلمده
کوستریلان ایکوز قرق درت غروش حنطه کراسی
بالتزیل باقی درت بیک اوجیوز التیش سکر

ایجابی مذاکره اولندقدن مندرجات اعلامدن
مستفاد اولدینقی اوزره اعتراض علی الحکم اوزرینه
جریان ایدن محاکمه ده معترض علیه خرستاکی
جانبندن اعلام ابتدائینک حکمی بالرضا اجرا
اولدینقی مدافعه درمیان ایدلماش اولمسینه کوره
فی الحقیقه اعلام مذکور حکمنک اولصورتله اجرا
اولنوب اولندینقنک بالتدقیق تبیین ایده جک حاله
کوره اعتراض علی الحکم دعواسنک تحت قراره
النسی لازم کلور ایکن محکمه مذکور جه اولبابده
بر کونه تدقیقات اجرا قلنامسی و مرقوم خرستاکی
ایله یوردانا کی بیننده شرکتک نوعی اکلشلمق
ایچون اعلام ابتدائی مذکورک عیناً اعلام
استینافی یه درجی مقتضی اولدینقی حالده اعلام
مذکورک دخی درج ایدلماش قانونه مغایر
و مستدعی تمیز وکیلنک اعتراضی موافق نفس الامر
کورلدیکنه بناء اصول محاکمه حقوقیه قانوننک
ایکوز اوتوز ایکمنجی وایکوز قرق برنجی ماده لری
موجبجه اعلام مذکورک تقضیه قانون من بورک
ایکوز قرق درنجی ماده سی حکمنه توفیقاً کیفیتک
یکیدن بالرؤیه اعلامه ربطی ضمنتده محکمه
مذکوریه اعاده سینه و زیرده مفرداتی مرقم اوج
یوز طقسان درت بحق غروش مصارف تمیزی به نک
ایاروده حقسز چیه حق طرفه رجوع ایتک

اولدینقی کی محاکمه ابتدائیه نک معترض علیه بولنان
خرستاکیک واستیناف و اعتراض علی الحکم
دعوالرینک دخی مرقوم یوردانا کیک حضور یله
رؤیت ایدلماش اولدینقی حالده کندوسنه خصوصت
توجه ایتیه جکمنه دائر مرقوم یوردانا کی مدافعاتده
بولنیه رق ایشیه دخانت ایتیش و اولوجهله اجرا
ایدیلان تدقیقات ختام پذیر اولمش اولمسینه نظراً
دعوی حاضره یی یکی باشند رؤیت ایتدیرمک
ارزوسیهله معترض علیه بولنان مرقوم خرستاکیک
اقامه ایلدیکی اعتراض الغیر دعواسنده بر کونه
حق و صلاحیتی کور یله مدیکندن سالف الذکر
اعلام غیابینک فسخیله اولجه صادر اولان اعلام
غیابی استینافینک تصدیقنه قرار ویرلدیکندن
و مستدعی وکیلنک اشبو اعلام علیهنده باشلوجه
اعتراضاتی حکم ابتدائینک بالرضا اجرا اولدینقی
حقنده عندالحاکمه موکلی جانبندن درمیان اولنان
اعتراضک تدقیق ایدلشکسزین رد ایدلشی مغایر
قانون اولدینقندن بحثله اعلامک نقضی استدعاسندن
و مدعی علیه وکیلنک نتیجه جوابی دخی اعتراض
مذکور دعوی واقعه حقنده اولجه جریان ایدن
محاکمه نک هیچ بر یسنده درمیان اولندینقی جهته
غیر وارد اولدینقی بیانیله موافق قانون اولان
اعلامک تصدیقی طلبندن عبارت بولنمشدر .

اوزره اول امرده مستدعی تمیزدن النمسنه
۶ شباط سنه ۳۰۸ تاریخده متفقاً قرار ویریلرک
تفهیم قلندی.

حمیدیه بدایت محکمه سندن ۲۳ تشرین اول
سنه ۳۰۳ تاریخی و سکر عددی ایله صادر اولان
اعلامک تمیزینی حمیدیه قصبه سنک جامع جدید
محلّه سنده مقیم مفتی زاده حاجی طاهر افندی بی
عرضحال استدعا ایلدیکی حالده یوم معینده دائره یه
کلدیکندن یالکز مین علیه قصبه مزبورنک حاجی
احمد اغا خاننده ساکن کیش زاده حاجی محمد
افدینک ایضاحات شفاهی سیله باش مدعی عمومی
معاونلرندن سعادتلو یورغا کی افدینک مطالعه سی
استماع قلندی.

اعلام مذکورک خلاصه مالی مومی الیه
حاجی محمد افدینک همشیره سی و مفتی احمدشاکر
افندی زوجه سی عاتکه خانمک بلاولد و فاتیله بالجه
اموال و اشیای زوجه مفتی مومی الیهک پدنده
قالمش و مؤخرأ زوجنک دخی وقوع و فاتیله

برادری مومی الیه طاهر افندی ترک سنه واضع
الیدبولمش اولدیغندن بجه همشیره سی مزبورنک
خصه سنه اصابت ایدن املاک و سائر نک توزیع یله
پدرندن منتقل اولوب کیشلر ورومانوس قریه -
لرنده کائن اوچیوز دونم مقداری اراضی سنک
تراکم ایدن اجاراتنک تحصیلنی و قصبه جوارنده
کائن عرصه لر ایله باغچه نک طرفه تسلیمنی طلب
و دعوا ایلیمی اوزرینه وکیل مسخر حضور یله
جریان ایدن محاکمات و تدقیقات نتیجه سنده طابو
مأمورلغندن مبعوث تذکره جوانیه ده رومانوس
قریه سی حدودی داخلنده بولنان اون اوج قطعه
ترلانک حاجی محمد افندی فراغندن متوفای مومی
الیه مفتی احمد شاکر افندی ایله زوجه سی عاتکه
خانمک متساویاً و قصبه جوارنده کی باغچه و عرصه لرک
دخی ثلث و ثلثان اولمق اوزره عهدده لرنده
داریسلان قریه سی حدودی داخلنده کی چفتلکک
قیود عتیقه وجهله مدعی مومی الیه حاجی محمد
افندی عهدده سنده مقید و چفتلکک مذکور
داخلنده کی اسبابک خرابیتی جهتله بناسندن اثر
قالدینی بیلدیرلش و مجله نک بیک یدیوز اوتوز
یدنچی ماده سی موجبجه قیود دفتر خاقانی
معمول به بولمش اولدینی بیانیه ماده مذکوره
حکمنه توفیقاً املاک و اراضی مذکوره نک

اعلان

متوفی ژ فرانسوا قورپی ورثه سیله معلوم
الاسامی کسانک فرانسه قوانسولانوسندن تنظیم
واعطا قلنان چند قطعه اعلامات موجبجه موسیو
لیبر واشیل وارنست لوراندو ذمتلرنده الاجقاری
اولان معلوم المقدار مبالغت تأمین استیفاسی چون
مرقوماندن موسیو لیبر لوراندونک پدری متوفی
ژان لوراندودن انتقالاً متصرف اولدینی بک
اوغلنده آصه لی مسجدده صاری لطفی محله سنده
جاده کیرده واقع ۷۲ نومرولی نصف دکانک
مزایدۀ لازمه سی بالاجرا (۵۴۹۵۲) و بک
اوغلنده شاهقولی محله سنده بوستان چیقماز
زقاغنده ۷ و ۹ نومرولی ایکی باب خانه نک نصف
حصه لری (۵۲۲۳۰) و برکت زاده محله سنده
ویواده جاده سنده اسکی بورس ایله تحتنده واقع
۴ و ۶ نومرولره مرقم ایکی باب دکانلرده مرقوم
موسیو لیبرک اون ایکی حصه اعتبار یله متصرف
اولدینی اوج حصه سیله موسیو اشیل وارنستک
پدرلری متوفی استفان لوراندودن انتقالاً کذلک
اون ایکی حصه اعتبار یله متصرف اولدقاری ایکی

متوفانک وارثلرینک و مذکور چفتلکک دخی
مدعی مومی الیه حاجی محمد افندی عهدده سنده
ابقاسنه و اراضی قانوننامه هایوننک سکسان
ایکینجی ماده سی موجبجه خراب اولمش اولان
مذکور آسیاب عرصه سنک طابو مثلیله مدعی یه
تقویضنه حکمدن و مستدعی حاجی طاهر افدینک
اشبو حکم علیه نده لایحه سنده محرر اعتراضنک
باشلوجه سی بوکبی ارث دعوالرینک محکمه
شرعیه عائدیتی درکار بولمش ایکن درجه اولی
محکمه سنجه خارج ازوظیفه اوله رق رؤیت ایدلمی
وانسای محاکمه ده اراضی مأمورینک حاضر
بولندیرلما سی و ذی الیدک اثبات ایتدیرلما سی
یولسز و مغایر قانونیه اولدیغندن بجه اعلامک
نقضی استدعاسندن و مین علیه حاجی محمد افدینک
نتیجه جوانی حکم واقع موافق اصول و املاک
موروثه نک تفریق و تقسیمی ماده سندن عبارت
اوله رق شرعاً فصل و ضم اوله جق مواد دن
بولندیغنه مبنی وظیفه حقنده کی اعتراضک موافق
قانون اولدینی بیانندن عبارت بولمشدر .

مابعدی وار

حصه لری (۷۲۵۰۰) و در سعادتده چایی اوغلی
خواجه علاءالدین محله سنده آصمه التي زقاغنده
واقع ۱۵ نومرو ایله مرقم جاملی خالك نصف
حصه شایعه سی (۷۳۸۷۵) و موسیو اشیل ایله
ارنستك بك اوغلنده تپه باشنده آصمه مسجد
محله سنده جاده کیرده قبرستان جاده سنده ۱۷
نومرولی برباب خانه ده پدرلری متوفای مرقومدن
انتقالاً متصرف اولدقلری برر سدس حصه
شایعه لری (۳۱۵۰۰) و بك اوغلنده و ندیک
زقاغنده ۳۱ نومرولی برباب خانه ده كذلك
متصرف اولدقلری برر سدس حصه شایعه لری
(۶۳۰۰) غروش التون بدل ایله طالبی بولنان
استفان فری عهده سنده تقرر ایش ایسده مشتری
مرقوم مؤخرأ مذکور املاکری اشتراذن نکول
ایدوب یکیدن مزایده اجرایی تحت قراره النمش
اولدیغندن مذکور املاکری یوزده بش ضمیمه
قبول ایدنلرک تاریخ اعلاندن اعتباراً اوتوز بر
کون صکره بك اوغلی بدایت محکمه سی اجرا
مأوریتنه مراجعت ایتلری اعلان اولنور .

فی ۱ حزیران سنه ۳۰۹

از میدده حاجی حسن محله سی ساکنلرندن
ونعلبور اصنافندن معامله جی زاده مصطفی حامی
افدینک طوشنجل قریه سی اهالیسندن اتلی حسین
اوغلی اسحق اغا ذمتده بااعلام الاجفی اولان
مبالغ معلومه نك تأمین استیفای ضمیمه دیون
مرقومك قریه مذکوره جوارنده چنال چشمه
نام محله واقع معلوم الحدود بر بحق دونم مقداری
برقطعه باغ و قاقه باشی نام محله کأن معلوم الحدود
بردونم مقداری برقطعه باغ که جمعاً ایکی قطعه
باغك اصولاً دائن مومی ایله طرفندن تحت حیزه
الدریش اولدیغندن املاک مذکوره نك اشبو
تاریخ اعلاندن اعتباراً اون بش کون صکره
فروخته تشبث اولنه جنفی ککبوزه بدایت محکمه سی
اجرا دائره سندن اعلان اولنور .

فی ۳۱ مایس سنه ۳۰۹